



Freiherr v. Ende-Schijessnitz.

XIII.
DISSERTATIO SOLENNIS
DE
OBLIGATIONE
NATURALI,
QUAM
A. T. S. T. A. N.

*Decernente Magnifico J^uCtorum Ordine
In Academia Pomerana,*

P RÆS I D E
VIRO Nobilissimo, Amplissimo, Excellentissimo

Dn. JOANNE POMERESCHIO,
J. U. D. & P. Celeberrimo, Consistorii Regii Adses-
sore & Collegii Juridici h. t. Decano spectabili,
Fautore & Promotore suo nunquam non plurimum
colendo,

PRO LICENTIA

Summos in Utroque Jure Honores, privilegia
& immunitates obtinendi
Publicæ disquisitioni submittit

MATTHIAS Petersen/
Rostochiensis,

In Hyperoo Curia Oppidana 24. Septembr. An. 1661.

ꝝꝝꝝꝝ

GRYPHISWALDIAE
Typis Matthai Doischeri, Acad. Typographi.



VIRO
Magnifico, Amplissimo, Consultissimo
DN. JOHANNI PETRÆO,
Reipubl. Patr. Consuli summè merito,
Promotori & Patrono suo
Maximo,

DISSE^TATIONEM HANC
INAUGURALEM

*In Gratitudinis, à pluribus annis jam
debitæ, & perpetue observantie
argumentum*

aidoias offere

MATTHIAS Petersen.

IN NOMINE
Ter sancti, Ter adorandi, Numinis.



Ulm de materia inaugurali
discursui submittenda, & ex
jure civili deducenda, mecum
cogitarem: Obligatio natu-
ralis caput confessim extulit,
seg, à suis virtutibus; pietate,
justitia, aequitate, honesta-
te, quibus non modo nobilissimas & præcipuas ju-
ris civilis materias, sed etiam extra illas, omnes
actus civiles animaret, commendans, me postu-
lavit, ut ipsam, sparsim & confusè subjure civili
locatam, in ordinatam quandam dispositionem,
digererem, publicæq, luci exponerem. Tantum
autem absuit, ut in hoc tam honesto postulato dif-
ficilem experta fuerit, ut potius, ex scopi mei ra-
tione, pro viribus ingenii exiguis & nimia
temporis brevitate, ipsius desiderio gratificandi
cupidissimū & paratisimum me offenderit. Abs-
que ulteriori ergo verborum circuitu, promissæ
operæ me accingo, & obligationem naturalem
ex ipso jure civili explico: ubi illud mihi pri-
mum negotii dari credo, ne in questionem status
incurrat, quod præcaveo, certam ipsi stationem,
etymologia vulgo relicta, assignando.

A

I. Obli-

I. Obligatio stat, vel generaliter: tum pro vinculo
juris publici, quo devincti sunt v. c. Magistratus, sub-
diti: tum pro vinculo juris privati, quo privatus pri-
vato adstrictus est. vel *specialiter*, I. in famoso juris
significatu, pro obligatione, quæ, ex jure gentium ori-
ginem trahens, jure civili approbatur & adjuvatur,
vocaturq; civilis cum causa, quam vel contractus vel
delictum subdit: ejusq; efficaciæ est, ut firmam ex se
producat actionem. Unde vinculum, quo necessi-
tate alicujus rei solvendæ secundum jura adstringi-
mūr pr. I. de Oblig. definitur: & mater actionum, quas
parere dicitur l. 42. §. ea obligatio. ff. de procurat. appella-
tur II. in proprio juris significatu, pro ea obligatione;
quæ ex jure civili originem & substantiam capit, acti-
onemq; nisi ex accidenti, firmam, cum ipsi desit causa,
non procreat. l. 5. ff. de just. & jur. ibid. Gloss. & Dd. §. l.
I. de obl. l. 5. C. de inutil. stipul. l. 3. §. 1. ff. de pee. constiit. Ut
frustrà Zoesius, ad tit. ff. de Obl. & Act. n. 5. hanc sup-
positionem, in jure fundatam, perneget, non distin-
gvens inter obligationis merè civilis finem & substan-
tiā. Respectu finis semper conjuncta est cum natu-
rali æquitate, ut hac deficiente, per exceptionem
infirmetur & elidatur. l. 36. ff. de V. Obl. §. un. I. de liter.
Oblig. Respectu substantiæ verò sine causa & æ-
quitate naturali subsistere potest, ut etiam ex ea actio;
exceptione non mature objecta, per accidens existat.
d. t. I. de Liter. Obl. arg. l. 36. ff. de V. Obl. Particulæ Tan-
tum, quam, pro determinanda suppositione, Zoesius
reqvirit, nulla est ratio, quod ipsa in pluribus textibus
βαθολογίας inferret, cum, ex oppositione, ejus determi-
natio satis perspicua sit. III. In impropio juris
significatu pro Obligatione, quæ merito justitiæ, hone-
statis,

statis & æquitatis vinculo sustinetur l. 41. ff. de pecul. l.
95. §. 4. ff. de sol. nullamq; ex se gignit actionem l. 10. ff.
de Obl. & Act. Et in hac suppositione Obligatio mihi
consideranda venit.

II. Vocatur autem *Naturalis*, non à natura com-
muni animali, prout jus vocatur naturale l. 1. §. 3. ff. de
just. & jur. sed à natura propria humana, prout jus na-
turale dicitur in §. singulorum. Inst. de R. D. & naturalem
æquitatem spectat l. 1. pr. ff. de paet.

III. Variis autem nominibus vis & natura hujus
obligationis naturalis exprimitur. Sic dicitur vincu-
lam naturale l. 59. ff. de cond. indeb. vinculum æquita-
tis l. 95. §. 4. ff. de sol. Ratio naturalis l. 5. §. 16. ff. de
agn. & al. lib. Officium pietatis ibid. §. 17. Naturalis æ-
quitas l. 1. ff. de minor. Pudor §. 1. I. de fideic. hered. Sed
hæ, ut & aliæ appellations, cum confusè & inadæ-
quatè objectum hujus obligationis intellectui sistant,
vix est, ut earum aliquaratio habeatur. Sic statu huic
obligationi designato, ipsius natura penitus introspi-
cienda venit.

IV. Obligatio *Naturalis* est vinculum juris Na-
turalis, quo ex justitia honestatis & æquitatis ad ali-
quid faciendum tolendumve trahimur. Dari jus na-
turale, quo ex honestate, justitia, æquitate in negotiis
civilibus, præter jus civile, ligemur, & jus Civile &
Canonicum afferit. Illud quidem; quoties vel ge-
neraliter naturalem rationem aut honestatem aut æ-
quitatem, in decidendis causis civilibus, sequitur, eaq; jus
aliquod in se continere, cuius ubique ratio habenda sit,
subinnuit: vel specialiter hunc vel illum ex æquitate
& naturaliter obligari statuit. Hoc verò; quando in
ipso Decreto principio dist. i. docet: Humanum genus

duobus regi: Naturali jure & moribus. Ubi quemadmodum per mores indigitatur jus, scripto & moribus constans. arg. c. consuetudo. s. d. i. Sic maximè per jus naturale notatur Naturalis æquitas & justitia: quandoquidem per id, quo quis jubetur alii facere, quod sibi fieri vult, paulò post explicatur. Appositi Gellius: *Multa, inquit, ratio honestasq; fieri jubet, quæ legibus & jure civili non precipiuntur.* Et angusta, secundum Senecam, est innocentia, ad legem bonum esse. Nam multa pietas, humanitas, liberalitas, justitia & fides exigunt, quæ sunt extra tabulas publicas. Ut rectè Cicero lib. 2. Rhetor. Jus, quod constat ex natura, pacto, bono & æquo, contradistingvat ei, quod est ex lege & consuetudine. Ex hoc itaque jure definio Obligationem naturalem per vinculum, secutus tum Papinianum in l. 95. §. 4. ff. de solut. tum ipsum Imperatorem, in pr. I. de Oblig. & quidem, ut distingvatur ab obligatione civili, *juris naturalis*: considerati tam absolutè, quod ex convenientia & disconvenientia necessaria cum natura rationali, quam relatè, quod, si non indubitata, saltem probabili fide, ex usu gentium aut moratorium omnium intelligitur. Differentiam, cum de ea inferius constabit, hic explicare supersedeo. Illud in genere ex ea elucescit, quod ratio humana naturalis dictet, non modò bonum & æquum esse, ut promissis satisfiat, siquidem, secundum Ciceronem i. de off. Nihil magis sit secundum nat. ram, quam fides, dictorum conventionumq; constantia & veritas: sed etiam, ut, quod alterum alteri præstare justum & honestum est, licet promissum non sit, præstetur. arg. l. 7. ff. de serv. export.

V. Dividitur hæc obligatio, in Naturalem ita κατ' οἰκον, alias Minus plenam, dictam: & Juris Gentium, quæ:

quæ etiam *Plenior* vocatur. Dicitur *Naturalis* præcise. & in se considerata, quatenus in meritis honestatis terminis consistit: *Minus plena*, in oppositione plenioris, quod nulos effectus à jure civili sortiatur, sed naturali suæ honestati & pudori committatur. A jure Gentium autem Obligationis altera species denominatur, quod intercedente vel consensu vel conventione, ex usu gentium subsistat: vocaturq; *Plenior*. Sutholt. disser. 12. ib. 15. in oppositione Obligationis naturalis merè talis, quod, juris civilis assistentia, præ illa peculiaribus quibusdam effectibus gaudet.

V I. Merè talis & *Naturalis*, in specie sic dicta, est vinculum juris naturalis, quo ex justitia honestatis & æquitatis absoluta, ad aliquid faciendum præstandum ve trahimur. Vocabulum *juris naturalis*: in statu suo absoluto, quo ex convenientia cum ratione naturali deducitur, concipiendum est. Trahimur autem ex hac obligatione ad faciendum, non stringimur: quia liberum nobis est, ea, quæ ex honestate & æquitate ita debemus, præstare, vel minus, nec ullâ necessitate in foro exteriori urgemur.

V II. Cum verò in dupli specie hæc obligatio naturalis mihi objiciatur: altera *informi*, altera *formata*: non ineptè eam subdistingvere mihi videor in *informem* & *formatam*. *Informem* dico, non in se, nam eatenus suam essentiam satis perfectam obtinet, sed respectu juris civilis, quod nullo auxilio, nullo effectu eam communis, sed nudam derelinquit. *Formatam*, verò, quod authoritate juris civilis suffulciatur & vi agendi instructa sit. Illam, quæ propriè hujus loci est, porro explico per subiectum & objectum.

VIII. Subjectum, quod ex hac naturali obligatione trahitur, sunt omnes homines, quatenus ratione naturali prædicti sunt, ut adeò illi, qui jure civili obligari prohibentur, in hunc numerum etiam veniant. Nam cum jus naturale hujus obligationis causa adæquata existat, illud autem immediatè ex ipsa ratione naturali proveniat, constat quo ipsa se extendit, etiam hanc Obligationem sese extendere: cumq; per ipsam omnes homines æquales sint, non Dominus, non servus: non pater, non filius: non mas, non femina: non minor non major intelligatur; nec pupillum, nec servum, nec prodigum, nec aliàs damnatum hac obligatione exemptum esse.

IX. Objectum, ad quod obligat, sunt actus humani, in civili vita ad justitiam honestatis & æquitatis informati. Requiritur in actibus istis consonantia, quædā justitiæ & honestatis vel æquitatis, ne justitiæ, honestatis & æquitatis velamine imponatur, aut honestati vel æquitati per justitiam præjudicium fiat, quod aliàs facile contingere potest. Sic v. c. Testator, qui testamento suo, præteritis fratribus, extraneū heredem instituit, ex liberalitate satis honestè agit, minus verò justè, dum nulla ratione sangvinis habita, præ fratribus eos, qui nullo sangvinis vinculo ipsum contingunt, & forsitan etiam ab opibus satis instructi sunt, heredes elitit. l. 5. §. 2. ff. de agn. vel al. lib. Sic ex adverso justum est, ut quis, quod sibi debetur, in solidum persequatur: sed minus honestè faciet, si ita jure suo contra fratrem, qui solvendo solido non amplius par est, utatur. l. 63. pr. ff. pro soc.

X. Hinc itaque heres ex testamento, solemnitatibus juris civilis destituto, modò certa de voluntate testa-

testatoris constet, naturaliter ex iusto & honesto obligatur. Nam ratio naturalis, voluntatem ultimam præcise servandam esse, dictat, ejusq; dictamine Gentes moratores voluntatem testatoris secutæ, non alias solennitates moratæ sunt. Sic ad extremam voluntatem Alcestidis apud Euripidem:

Tέττας (liberos intelligit) αὐάχε δεσμός τιμῶν δόμων.

Καὶ μὴ πηγήμης τοῦτο μηδὲν τίνεις,

Simpliciter respondet Admetus:

Τελευτήσω τάδε.

Ut adeò ex naturali justitia & honestate, quilibet sese voluntati certæ, utut non solenniter declaratæ, submittere, legata præstare & facta exequitentur. arg. l. 16. C. de Testam. l. 2. C. de fideic. Hac ductus Imperator in l. 38. ff. de fideic. libert. respondit, pios filios debuisse eam manumittere, cui Pater in testamento minus solenni libertatem dederat: Cum insuper liquidum sit, solennitates testamentarias, non esse de substantiali testamenti forma, quod falso affirmavit Covarr. ad c. cum effes. 10. X. de testam. Gomez. & alii: sed ad repellendam fraudem, à jure civili excogitatas esse: ut ita hac, per certitudinem voluntatis defuncti, sibi constantem, cessante, jure naturali earum ratio vix habeatur, sed præcise locum obtineat illud Virgilii,

Suprema voluntas

Quod mandat fieri, jubet parere necesse est.

XI. Sic qui muneribus affectus est, ad remunrandum naturaliter tenetur. arg. l. 25. §. 11. ff. de hered. pet. non ex conventione, ne tacita quidem, quam præter necessitatem Bacchovius probare videtur Disp. r. tb. 18. de Act. quia animus hic non contrahendi, sed tantum distrahendi intelligitur, cum donator verè talis.

lis, nullam aliam ob causam det, quam ut liberalitatem & munificentiam exerceat. l. i. pr. ff. de donat. sed ex honesta æquitate. Quippe nullum, ut Cicero inquit, officium referenda gratia magis necessarium, quam non reddere, bono viro haud licet, modo id facere possit sine injuria. Imò pulchrum est, ait Ambrosius, propensiorem haberi ejus nationem, qui tibi aut beneficium aliquod aut munus contulit. Et non multò post: Quid tam contra officiam, quam non reddere quod acceperis. Et hoc probè attendens Attalus Rex, Asiam amplissimam, à Populo Romano ipfi datam, piè testamento reddidit. Valer. Max. lib. 5. c. 2. Pari modo ex hoc capite, pro accepto beneficio Manumissionis, Libertus obstrictus est Patrono, ad operas etiam non promissas præstandas. l. 26. §. 12. ff. & e cond. indeb. l. 2. C. de in jus voc.

XII. Creditor quoque, ut debitori, temporis calamitate & injuria misero, vel ab alia vi majori ad inopiam redacto, remissionem aliquam concedat, indulsum moratorium largiatur, vel alio modo de jure suo ob ejus calamitatē aliquantis per decedat, naturali jure obstrictus est. Non urgeo hic pietatem duras creditorum exactiones in hoc casu non improbantem modò, sed etiam damnantem; justitiam saltem æquitatis & humanitatis in scenam accerso, cuius ratione bono & æquo non convenit, alterum alterius damno lucrari. l. 16. ff. de jur. dot. Nec afflito afflictio addenda, sed miseriis ipsius potius miserendum. c. ex parte s. X. de cler. ægrot. non obstante æquitate servandorum promissorum naturali. l. i. pr. ff. de paet. vel fide, quæ Ciceroni i. de off. fundamenum est justitiae: nec principio juris universalissimo: SUUM CUIQ. TRIBUERE. Hæc enim, imperturbato & non mutato statu, immotè

tè stant, qui si casu quodam invincibili in deterius ver-
gat, & illa quandam mutationem subire necessum est.
Ut adeò, cum omnia promissa, omnes conventiones
hac implicita lege, si res in eodem statu perdurabunt:
ineantur. *argum. l. 38. pr. ff. de sol. l. 8. ff. de confirm. tut.*
l. 23. ff. de condit. instit. l. 13. §. 1. ff. de ann. leg. summè æ-
qvum sit, ex nova & improvita vicissitudine oborien-
tem aliam justitiam & æquitatem, priori aliqua ex par-
te derogare, locumq; aliis juris præceptis v. c. ne quis
opprimatur: ut civilis societas conservetur: facere.
Quid jure civili stricto & summo hic obtineat, ex una
l. 14. C. de contrab. empt. in aprico est, qua gravis inju-
ria æstimatur, si homines de rebus suis facere aliquid
inviti cogantur: cui rigor *l. 12. §. 1. ff. qvi & à qvib. ma-*
nun. id quod scripta lege continetur, et si durum sic,
servare præcipiens, adiustit; & *l. 13. §. 1. ff. de injur. exe-*
cutionem juris injuriam non habere, docens, culci-
triam supponit. Sed cum latior scripto jure sit æqui-
tatis, honestatis & humanitatis obligatio, non modò,
quid legibus expressum, cum istæ, ad certum tempo-
rum, rerum & personarum statum, sæpius conditæ &
& legislatorum intentione atque ipsius constitutionis
ratione adstrictæ sint, sed etiam quid pietati, humani-
tati & æquitati conveniat, inquirendum & seqven-
dum est. Verba sunt Magnif. Dn. Mevii *in discus. le-*
vam. inop. debit. c. 3. n. 4. 5.

XIII. Judex etiam in controversia, non proba-
tiones & acta, sed certissimam suam conscientiam, &
in condemnando & in absolvendo, ex naturali justitia
æquitatis, sequi tenetur. Hæc enim nil magis, quam
falsitatem, omnis iniquitatis matrem, aversatur, cui

B

sane

sanè Judex, ad probata simpliciter, exclusâ conscientiâ, procedens, patrocinium præstat. A Dd. autem hoc non tam ex jure naturali quâm civili controvertitur & pro negativa concluditur. Pro decisione contra eos hic obiter notetur, quod super hoc casu, ut rariissimo & irregulari, expresse in jure civili statutum non sit. Per consequentiam tamen, in puncto juris verius est, quod Judex, præ actis, evidentem suam scientiam, non modò in condemnando, quod Zoesius qua causas criminales maiores, ægrè tandem *ad tit. ff. de jud. n. 54.* concedit, sed etiam in absolvendo sequi obstringatur. Jubetur enim ex sententia animi sui judicare, *l. 3. §. Ejusdem. ff. de test. sententiam proferre*, prout religio suggerit *l. 79. §. 1. ff. de judic. boni & innocentis viri officio fungi l. 4. §. 1. ff. fam. ercisc. id*, quod à litigatoribus minus dictum fuerit, supplere *l. un. C. ut quæ def. adū.* quæ satis liquido ipsius conscientiam in actu judicandi requirunt. Nec, quæ ex jure pro contraria sententia afferuntur, tanti sunt, ut quem move re possint, cum plerumq; in diversis terminis concepta sint. Publica etiam utilitas, quam Zoesius pro arietate objicit, honestati, pietati, veritati præjudicare nequit, præsertim cum nihil utile haberi debeat, quod non sit piùm & honestum, ut disserit Cic. *l. 6. 3. de off.*

XIV. Fratribus etiam & sororibus, si inopes sint, nec sibi industria sua de necessariis vitæ proposcere queant, jus naturale alimenta decernit. *arg. l. 13. §. 2. ff. de admin. tutor. imo & dotem arg. l. 12. §. 3. ff. de admin. tut.* ut ab honestate *d. l. 12.* & caritate sanguinis, cuius causa perpetua est, abire videatur, qui sine causa ea denegat.

XV

XV. Effectus hujus Obligationis Naturalis in foro exteriori planè nullus est. In foro interiori, Ratio naturalis, particula divinæ imaginis, singulari Dei gratia homini reliqua, per eam ex jussu naturæ imponit nobis necessitatem præstandi: & si in iis, quæ absolutè justa & æqua sunt, non paremus, conscientia impeditos nos, arctius vinciendos, summo Numini tradit, quod Cicero innuit in fragm. lib. 3. de Republ. supra rationem ita disserens: *Vnus erit communis quasi Magister & Imperator omnium DEUS.* Ille legis hujus inventor, disceptator, lator. Cui qui non parebit, ipse se fugiet ac natum hominum aspernabitur, atque hoc ipso luet maximas pœnas, etiam si cetera supplicia, quæ putantur, effugerit. De his exactius Excellentiss. Dn. D. Engelbrecht, Rector hujus Univers. b. t. Magnifi. in Disputatione sua inaugurali ad L. Frater à fratre 38. ff. de cond. indeb. c. 1.

XVI. Sic evoluta Obligatione naturali informi, prælibanda quoque venit formata, quam ita appello, quod peculiari efficacia à jure civili donata sit. Nam cum antea in meritis honestatis & æquitatis terminis hæreret, nullaq; vi agendi prædita esset, jus civile ejus in Republica necessitatem perpendens, à jure naturali receptam reformatum & vim pariendi actiones ipsi elargitum est.

XVII. Huc revoco POTESTATEM PATRIAM. §. 2. I. de patr. pot. Nam jus naturale exposcit, ut, qui sibi ipsi imperare nequit, alterius imperio & potestati subsit. Hinc liberis, quorum

Ætas prima (quod Æschyli effatum est) ceu brutum
Ut educetur, mentis alienæ inaiget. (pecus
cum sibi consulere non valerent, de regimine prosp-

xit, illudq; , cum naturaliter alium non inveniret , pri-
mò parentibus addixit, *Grotius de jur. bel. lib. 2. c. 5. n. 2.*
Quod jus Romani postea ex *L. Romuli*. pleniori pote-
state ac vi , ut sibi ita subjectos magis obstrictos red-
derent, instruxerunt, *Dionys. Halic. lib. 2. TESTAMENTA.*
Nam pro naturali dominio in suas res , & potestate in
sibi subjectas personas , in ultima voluntate , pro libi-
tu statuere , sibiq; ita hunc vel illum naturaliter obli-
gare , semper licitum fuit. Huc facit dispositio Isaa-
ci, alteri filiorum benedictionem conferentis , *Gen. 27.*
Cyri, inter filios suos convocatos Imperium & Re-
gnum dividentis, apud *Xenoph. lib. 3. de paed.* Hercu-
lis apud Sophoclem , Alcestidis apud Euripedem ,
Telemachi apud Homerum . Et minus huma-
num ratio naturalis existimavit , facultatem circa res
suas ordinandi , quam viventes habuerunt , morituris
adimi *arg. text. I. de leg. fus. can. toll.* Potest quoq; grave vi-
deri, inquit *Quintilianus*, ipsum patrimonium , si non inte-
gram legem habet, & , cum omne jus nobis in id permittatur vi-
ventibus, afferatur morientibus . Ut hinc satis appareat,
substantiam testamentorum , & ex illis naturalem
quandam obligationem , ab ipso jure naturali, solen-
nitates verò , & vim, in iis relictâ persequendi, pecu-
liarem à jure civili promanare. *SUCCESSIONEM ab inte-*
stato, quæ liberis debetur. Rationi enim naturali , defun-
ctum, voluntate non declarata, hoc animo decessisse,
ut voluerit, bona sua occupanti concedi, non fit veri-
simile, sed potius illis ea destinasse, quibus per natura-
lem & justam æquitatem debentur. *Grotius de jur. bell.*
lib. 2. c. 7. Debentur autem primò liberis ὡς ὀφείλημα
τὸν πλῆρον ἐπιδεχομένοις , ut loquitur *Plutarchus de prot.*
amor.

amor. qui, ut à parentibus vitam suam adepti sunt,
ita instinctu quodam naturæ, ab ipsis ea, quæ ad istam
vitam sustentandam faciunt, exspectant. Huc illud
Pauli Jcti: Ratio naturalis, quasi lex quædam tacita,
liberis parentum hereditatem addicit, velut ad debi-
tam successionem eos vocando in l. 7. pr. ff. de bon. dam.
Philonis, de vit. Mos. 3. ὁ νόμος Φύσις ἐστι, κληρονομεῖσθαι
τὸν γονέα τὸν παῖδα: & Apostoli Pauli: οἱ γονεῖς οφείλονται
τοῖς τέκνοις ἡγοωμένοις, 1. Cor. 12. EDUCATIONEM ET ALIMENTA,
liberis praestanda. Nam naturalis stimulus parentes ad
liberorum educationem hortatur, ut inquit Justinia-
nus l. un. C. de rei ux. act. Et ἀγαθὴ Φύσις, διδάσκαλος
ἀπαρτίστικος εἰς τὰς Διατήρησιν & μόνον εαυτῶν ἀλλὰ οὐ τῶν
γεννωμένων, Diod. Sic. FIDEICOMMISSA, quæ primis tem-
poribus nullo vinculo juris, sed tantum pudore eo-
rum, qui rogabantur, continebantur, prout loquitur
Imp. §. 1. I. de fideic. hered. TUTELAM. §. 6. I. de Attil. Tut. &
alias complures juris materias. Sed cum ex hisce jam
civiliter obligemur, ut Obligationis naturalis obje-
ctum amplius non sint, iis pluribus non immoror, &
ad alteram speciem Oblig. Natur. devenio.

XVIII. Obligatio Juris Gentium, alias etiam Plenior dicta, est vinculum juris naturalis, quo ex justitia æquitatis respectiva, ad id, quod promissum est, præstandum stringimur. Per jus naturale hic maximè illud, quod ex usu gentium moratiorum constitutum est, intelligitur. Convenientiam justitiae & æquita-
tis pariter, ut in Obligatione purè naturali, requiro:
cum idem, quod in illa, hic evenire possit. arg. l. 3. pr.
C. de collat. arg. l. 6. C. de liber. caus. Non autem specta-
tur hac in obligatione, tam justitia æquitatis in se &

quatenus talis, quām in consensu & placito, quatenus
iste justus, hoc æqvum, unde respectivam eam dixi.

XIX. Hanc itidem à duplice specie, qua mihi
in jure civili exhibetur, distingvo in *informem* & *for-*
matam. *Informem* nuncupo, quod omni vi agendi de-
nudata sit; & paulò aliter, quam supra th. 7. hic vo-
cabulum illud suppono: Ibi enim omnimo dam nu-
ditatem infert, hic talem, quæ quibusdam quidem ef-
fectibus, jure civili adsistente, gaudet; vi autem
agendi, ceu principalissimo effectu, planè nuda sit:
Atque ipsi oppono *formatam*, quam ita apollo, quod
à jure civili non modò in totum recepta & approbata
sit, sed etiam præterea ei vis, ad agendum & perse-
quendum valida, ab isto specialiter accesserit.

XX. Cum autem in jure civili, duobus maximè
modis Obligatio hæc naturalis sese prodat. Uno qui-
dem, ubi negotio aliquo civiliter instituto, vel etiam
planè nullo intercedente, solus actus & consensus na-
turalis paciscentium & promittentium respicitur: Al-
tero verò, ubi præter consensum paciscentium maxi-
mè placitum in considerationem trahitur. Hinc non
incommode Obligationem Juris gentium in *formalem*
& *materiale* subdistingvo.

XXI. Obligatio Juris gentium *formalis*, quæ
ex consensu paciscentium & promittentium existit,
est vinculum, quo alter alteri, ex consensu justo & æ-
quo, naturaliter obligatur. Cum verò hæc obliga-
tio subiecta promittentium potius concernat, & ex
iis explicanda veniat, illa ex jure civili subjicio.

XXII. Pupillus itaque proximus pubertati, ex
negocio civiliter contracto, naturaliter ligatur. l.l. §.1.

ff. de

*ff. de novat. l. 21. pr. ff. ad L. Falciād. l. 25: §. 1. ff. quando dies
leg. Ut autem Obligatio hæc pupilli accuratius per-
cipiatur, tres formo conclusiones. I. Pupillus, ex
contractu locupletior factus, non tam obligatur natu-
raliter, quām civiliter, cum contra eum actio civilis
utilis, ex rescripto D. Pii institui possit arg. l. 3. pr. ff.
Commod. l. 3: §. 4. ff. de neg. gest. Zoes. ad t. de Obligat. &
Act. n. 47.*

II. Pupillus ex contractu non locupletior reddi-
tus, qua effectum naturaliter non obligatur. Huc
referenda l. 41. ff. de cond. indeb. & l. 59. ff. de Obl. & act.
Favor enim pupilli ob infirmum judicium facit, ut ju-
re civili isti obligationi effectus adimatur, Donell. in
l. 127. ff. de Verb. Obl. Et malè hinc alii Donellum refu-
tant, concludendo aliquam obligationem realem,
quæ inde sequeretur: manet enim obligatio in pupil-
lo, neque ejus personam egreditur; at effectus ex-
trinsecus saltem impeditur. Goehaus: part. i. peric. A-
cad. q. 45.

III. Pupillus, ex contractu non locupletior fa-
ctns, qua ipsam causam & substantiam obligationis
naturaliter obligatur: Quo pertinent leges in pr. b.
tb. alleg. & quidem ex justitia contractus, se in consen-
su, sibi constante, fundante. Ut hinc obligatio pupil-
li naturalis pro valida, respectu tertii, cui jura minus
favent, habeatur, & fidejussor, ei accedens, firmiterte-
neatur l. 127. ff. de V. O.

Pari fere modo Mulier ex intercesione & Filius f.
ex mutuo, qua causam & substantiam obligationis natu-
ralis obligantur, ut etiā ipsis fidejussores accedere pos-
sint, sed beneficio SCtorum obligationis istius natura-

lis.



lis effectus impeditur l. 40. ff. de cond. indeb. l. 9. C. ad SC.
Vellej. l. 16. ff. eod. Cum verò effectus ipsius, non modò
in principaliter obligatis, sed & fidejusforibus per dd.
SCta planè exspiret, ut, excepto uno casu filiifam.
ex mutuo obligati in d. l. 40. ff. de cond. ind. per se nul-
lus sit, eahic non attenditur.

XXIII. Servi, quamvis jure civili pro nullis ha-
beantur l. 1. ff. de jur. delib. & propterea ex contracti-
bus obligari nequeant, l. 43. ff. de Obl. & Act. jure natu-
rali tamen quo omnes homines æquales sunt, l. 32. ff.
de R. I. ex contractu tenentur l. 14. ff. de Obl. & Act. &
sibi alium, etiam ipsum Dominum obligant arg. l. 64. ff.
de cond. ind.

XXIV. Sic quoque frater fratri, filius patri, &
pater filio naturaliter obstringitur ex contractu arg. l.
frater à frat. 38. ff. de cond. ind. Evidem jure civili fi-
lius vel fratres, in eadem potestate patria existentes,
caput habere non intelliguntur, cum fictione juris una
eademq; persona cum patre censeantur l. f. C. de impub.
& al. substit. & corporis ejus pars quædam vocentur,
l. 22. §. 1. C. de agr. cens. proinde nec aliis, nec sibi invi-
cem obligari queunt arg. l. 4. ff. de jud. & quicquid ac-
quirunt, patri cedit. §. 1. Inst. per quas pers. nob. acq. Jure
verò naturali, quod ius civile nullo modo tollere po-
test, diversitas personarum durat, & tot sunt capita,
in familia, quot personæ, ut adeo, impedimento ficti-
onis cedente, pater filio, filius patri & frater fratri
naturaliter obligetur secundum d. l. frat. à frat.

Quoniam vero d. l. frat. à frat. ex qua Obligatio
naturalis inter fratres, filium & patrem probatur, dif-
ficultatem aliquam continere videtur, operæ pretium
me

me facturum autumo, si casum & rationem ejus explicatus sistam. Species facti in hac lege talis est: Fratrum duorum, in eadem patris potestate existentium, alter peculium à patre habens à fratre mutuum accepit. Non longè post pater cedit fatis, & alter, qui accepit mutuum, ut debitum naturale illud alteri fratri reddit. Tum ambo fratres hereditatem, à patre relictam, dividunt. Demum alter, qui totum mutuum jam fratri solverat, admonetur sui juris, ut solutum reposcat; atque condictionem ejus instituit. Hinc quæ situm est, an ex has condictione, solutum ut indebitum recuperare possit. Et responsum, quod pro ea parte, qua ipse patri heres extitit, repetere tantum possit, præterquam si ex peculio ipsius tantum ad fratrem creditorem pervenerit, quo ipsi, etiam qua alteram partem mutui, abundè satisfactum sit; tum enim & alteram partem, ut indebet solutam, condictione consequi queat. Cujus juris ratio ut magis conspicua reddatur; sciendum, quod filius-famil. omnem obligationem, non modò civilem, sed & naturalem qua effectum, [qui] juris est, patri suo confessim, ut perfecta est, acquirat, ut nec momento in ipsius persona subsistere possit, quæ verba sunt l. 79. ff. de arquer. hered. quod etiam probatur ex §. 4. I. quod cum eo qui. ubi pater ex peculio deducit non modò, quod servus ipsi, sed & ei, qui in ipsius potestate existit, debet; & ex verbis hujus legis, filio eidem q[ui] debitori: elicetur. Cum autem quævis obligatio confundatur, vel acquisitione hereditatis, cum debitor creditoris heres fit, l. 95 §. 2. ff. de sol. l. 2. §. 3. ff. sol. matr. quod natura non patiatur cundem debitorem &

C

cre-

creditorem eodem respectu: vel acquisitione pecu-
lii, si peculum debitoris ad creditorem peculiarem ac-
cesserit, quod confirmant verba hujus legis: *Natura-
lem obligationem, quae fuisset, hoc ipso sublatā riederi, quod pecu-
lii partē frater sit consecutus*: quandoquidē hoc casu cre-
ditor sibi solvisse intelligitur, simili ratione, qua ven-
ditor retento peculio servi venditi sibi solvisse censem-
tur *l. 47. ff. de pec. liquidum est, quod & in specie hujus
legis, obligatio fratris debitoris, patri jure acquisita
per mortem patris confundatur, & pro ea parte, in
quam frater debitor succedit, extingvatur.* Et huc-
usque frater debitor, qui fratri ex obligatione natura-
li totum mutuum persolverat, conditionem validam
pro ea parte, qua heres est, instituit: *Ut si v. c. ex di-
midia parte heres sit, & mutuos 20. solverit, 10. repe-
tere possit, reliquis 10. fratri coheredi ex obligatione
naturali salvis.* Quod si verò frater debitor peculium
etiam contulerit, & ex eo fratri coheredi tantum jure
hereditario accesserit, quo partem naturalis crediti,
quæ ipsi remansit, compensare possit, fratri debitori
quoque dabitur condicō pro consequenda parte so-
luti debiti, apud fratrem residua, quæ indebita habe-
tur: nam, ut prior pars soluti debiti, intercedente
commixtione, repeti poterat; ita & hæc posterior,
quasi solutione ex peculio communicato intervenien-
te & residuam partem crediti tollente, rectè reposci-
tur. Sin minus, vel nihil, peculio forte fratri debitori
prælegato, ad fratrem creditorem pervenerit, jure
obligationis naturalis, partem, ex debito naturali so-
luto reliquam, retinebit: vel si nihil solutum sit, eo-
dem jure istius debiti deductio, judicio puta famil. er-
cisc.

cisc. institui poterit, quia & alienum ipsum peculium sequitur. Membrum prius confirmatur argumento, ab extraneo creditore peculiari petito. Nam si & qvum est, ut in casu peculii, inter duos fratres jure hereditatis & qualiter divisi, alter ab altero, pro parte acquisiti peculii, adversus creditorem peculiarem extraneum indemnissim præstet; multo magis frater, in casu divisi peculii, fratrem adversus seipsum indemnem facere, ex honestate & æquitate naturali tenebitur, ne frater pejoris conditionis sit apud fratrem, quam extraneus. Sic enodato principio, nulla porro difficultas in sequentibus duobus §§. residet. Nam, quam repetitionem inter fratres, principium, propter obligationem naturalem confusione sublatam, concedit, illam subseqventes §§. ob obligationem, inter filium & patrem perdurantem, planè denegant, arguento similiter ab extraneo creditore peculiari pro confirmatione desumpto. Et sic, obligationem naturalem inter has, jure civili conjunctissimas, personas posse confistere, nullum est dubium.

XXV. Huc demum referto Pollicitationem, ex qua jure naturali etiam obligamur. Ratio enim & æquitas naturalis exposcit, ut, quod quis rectè pollicitus est, id præstet C. I ARG. de Pollicit. tb. 3. Ut autem obligationis hujus naturalis tenor rectius percipiatur, pollicitatio rectè constituenda est.

XXVI. Pollicitatio h. l. non sumitur late, prout denotat promiscuè quamvis promissionem l. 43. §. 1. ff. de contrab. empt. l. 1. §. 8. ff. de dot. collat. l. 3. C. de donat. ant. nupt. etiam pactum nudum l. 5. C. de contr. & comm. sfp. in rubric. de dot. prom. & nud. pollic. l. 1. C. de jur. dot. Ne-

que strictissime, pro ea, quæ fit vel DEO, vel Reipubli-
cæ, de qua passim in t. ff. de pollicit. l. 5. ff. ad L. Falcid. l. 6.
§. 1. ff. de muner. & honor. l. un. C. de ratiocin. op. publ. Sed
strictè & propriè, quatenus nudam promissionem signi-
ficat l. 2. ff. de pollicit. recteque definitur nudum &
spontaneum offerentis promissum, ex liberalitate ali-
cui factum, Weseemb. in paratit. de pollicit. Dn. Tabor
in Elem. Part. de Oblig. in gen. tb. 34. quomodo satis di-
lucidè à pacto discernitur, quod præter duorum con-
sensum ultro citroq; certum, conventionem etiam ex
diversis animi motibus l. 1. §. 3 ff. de pact. de eo, quod
utrinque verbis concipitur, requirit: ut frustra identi-
tatem pacti & pollicitationis Bart. ad l. 1. C. de pact. Jas.
ad rubr. de Verb. Obl. Menoch. de presumpt. lib. 3. pr. 42.
& posthos Bachovius in Treutl. diss. 6. de pact. tb. 1. l. B.
propugnet.

XXVII. Ex hac Pollicitatione secundum natu-
ralem æquitatem obligatio emanat, ut, quod sponta-
neo & deliberato animo promissum est, præstetur.
Ubi primò probè observandum, non omne sine discri-
mine pollicitum constituere obligationem, sed tale,
quod ex justa, non incerta, non violenta voluntate
promanat: Grotius de jur. Bell. lib. 2. c. 11. n. 4. 5. 6. 7.
quod, antecedente aliquali causa, ex animo delibera-
to & firme fluit arg. l. 1. §. 1. ff. de pollic. & in jure polli-
centis radicatum est. Quibus præsuppositis, cum
nihil tam naturale sit, quam ut voluntas Domini rem-
suam in alium transferre volentis, rata habeatur; pro-
ut habet §. 40, Inst. de rer. div. eo quod quisque rei suæ
sit moderator & arbiter, l. 21. C. mandat. atq; naturalis
æquitas & fides voluntatis certæ impletionem urgeat,

arg.

arg. l. i. ff. de constit. pec. non potest non pollicitans à jure naturali obligari; ut ita quod primo erat voluntatis, postea fiat necessitatis. Et hanc obligationem naturalem agnovit Rex Salomon, jus naturale, si quis unquam, optimè doctus: ideoq; ea constrictum adhortatur, ut se liberet. *Sponsisti*, inquit, *fili mi, amico tuo, defixisti alieno tuas volas, illaqueatus es verbis oris tui, captus es verbis oris tui. fac hoc nunc, fili mi,* & crue te. Proverb. 6. v. 1. Ubi locutionem אָמַת־עֲבָדָת לְרֹעֵךְ non cum vulgarato (quem Beat. Lutherus noster vert. Mein Kind wirstu Bürge für deinen Nehesten secutus est) & Schindlero ad rad. שָׁב per fidejussionem, sed cum Benedict. Ar. Montan. per simplicem sponsonem & pollicitationem interpretor, quod ex positu vocum & contextu, gradatim concepto, purè fluit. Evidem non nego verb. עָרֵב in actu fidejubendi supponi, at in tali positu, qualis hic conspicitur, illud ita usurpari & explicari pernego. Alia eaq; diversa constructio ejus videre est Gen. c. 44. v. 33. וְעַבְרִקְעָרֶב אֶת־הַנְּعָר & Esa. c. 36. v. 8. ubi mediante partic אֶת rectissimè pro fidejussione venit, & ita vertendum esse, contextus dilucidè evincit. Tantum de obligatione naturali *formali* dixisse sufficiat: dehinc paucis de naturali *materiali* disserendum erit.

XXVII. Obligationē juris gentium *materiale* ita dico respectu placiti s. materiæ, quæ in eam deducitur, cuius præter actus paciscentium eorumq; consensum, ut formam, maximè ratio habetur, an justa, æqua, apta sit, ut in obligationem trahi & cum subjecto obligando uniri possit. Eamq; definio vinculum juris, quo alter alteri ex justitia æquitatis ad placitum præstan-

dum per consensum obligatur. *Placitum* hic, quod præmoneo, non in specie, quod contractibus juris civilis causam dat, intelligo, sed quod extra illos cuivis alii conventioni justè subjicitur.

X X I X. Nobilissima hæc Obligationis naturalis est species: quapropter non abs re in ejus essentiam diligentius inquiero, quam ex subjecto objecto & forma explico, ut, ijs cognitis, exacte de ea judicium ferri possit.

XXX. Subjectū, quod hac obligatione adstringitur, est homo rationis suæ compos, qui ex se, non leviori judicio in consentiendi actu fertur. Hinc ergo naturaliter obligari non potest furiosus, mente captus, ob omnimodam mentis absentiam, quia non intelligunt, quid agant: nec minorenis ob mentis infirmitatem: ubi si quæratur, quando minorenii judicii firmitas, ut naturaliter obligari possit, accessisse judicetur, dicendum, illud ex usu gentium moratiorum censendum esse: &, cum Græci, Romani, Hebræi *Grot de jur. Bell. libr. 2 cii* post decimum quartum annum, constantiam menti minoris inesse statuerint, concludendum, post decimum quartum annum quemq; jure naturali obligari. Contra juste obligantur omnes illi, qui à ratione & mente valent, ut non excipiatur semina, serv⁹, filius, imo nec prodigus, tum ob firmum animi judicium, quod ipsi adesse potest, ut non tam mente, quam moribus insaniat *l. 12. § 2. ff de tut. & curat. dat.* tum ob jus dominii rerum absolutum, pro quo rebus suis naturali jure abuti possunt. Aliud tamen dicendum, si quis, declaratoria magistratus sententia, prodigus pronunciatus sit: Tum enim, cum locus

locus fiat dispositioni juris civilis de prodigo, quæ neque naturaliter, neque civiliter, neque qua esse etum, neque qua substantiam, negocium cum ipso sublîstit, nulla obligationis naturalis vis esse potest.

XXXI Objectum, quod in definitione nomine placiti per Syneibdoib. tot. propart. comprehenditur, sunt res cuiusque propriæ, quæ commercium & dispositiōnem privatorum non fugiunt l. ult. in f. C. de pact. l. 34 §. 1. ff de contr. empt. sive absentes, sive præsentes, sive futuræ arg. l. 73 pr. ff. de V. Obl. l. 3. C. de donat. l. 46. ff de pact: & facta pariter propria, & in jure sese obligantis existentia l. 65. ff de fidejus. l. 7. §. 14. ff de pact. Ut vero hæc obligationi submitti queant, necessum est, ut illis honestas & æquitas insit, quæ inesse censetur, si sint licita. Licta autem cognoscuntur ex illicitis, quæ proinde appono. Illicita talia sunt, vel naturaliter, vel interdictione humana. Naturaliter illicita in genere sunt, quæ juri & æquitati naturali, item honestati & bonis moribus adversantur l. 4 C. de inut. stipul. Hinc in specie atro calculo notata sunt placita, quæ turpitudinem involuunt, & ad delinquendum instigant v. c. ut furtum, homicidium committatur l. 27. §. 4. ff de pact. ne de dolo, furto, parricidio agatur. l. 27. §. 3. ff. de pact: placita; ut non sit agnatus l. 34. ff de pact. ut servus sit, non liber l. 6. C. de liber:cauf. ut alimenta non præstentur, ut parens in jus vocetur, ut ab hostibus non redimatur; ut hæc vel illa præcise in uxorem du- catur l. 134. pr. ff. de V. Obl. ne quis re sua, prout vult, libere utatur l. 61 ff. de pact: item placita de succeden- do vel non succedendo, quæ libertatem testandi adi- munt, & votum captandæ mortis subinferunt l. 15 C.

de



de pact. l. 5 C. de pact. convent. Gail. Observ. lib. 2. O. 126.
Huc refero etiam pactum de non castiganda uxore
DN. Mevius *ad Jus Lub. P. 2. tit. 2. art. 12. n. 441.* Inter-
dictione humana illicita in genere sunt, quæ repu-
gnant legibus & moribus civilibus *l. 5. pr. C. de leg. arg. l.*
55. ff de legat. 1. Hinc in specie damnata sunt, placita
de quota litis *l. 53. ff. de pact. l. 15 ff de procur:* de delicto,
sanguinis pænam non ferente, exceptio falsi crimine
l. 18 C. de transact, ne agatur de rebus amotis & impen-
sis, in res dotales factis, *l. 5 ff de pact. dotal.* ne maritus
in id, quod facere poslit, damnetur *l. 14 § 1 ff solut. ma-*
trim. it: placita, quæ inter mercatores, de rebus, certo
& conuento pretio distrahendis, interponuntur *l. un. C.*
de monop. Sic itaque evidens est, quod quæcunque, cum
naturali æquitate & honestate conveniunt, neque juri
vel moribus civilibus repugnant, objectum legitimum
Obligationis hujus naturalis esse possint.

XXXII. Ut Subjectum & Objectum, ad obligati-
onem constituendam, valide uniantur, necessario in-
tervenit forma, qua objectum confusum, primo se-
gregetur, post cum subjecto constringatur. Hæc est
consensus duorum vel plurium: *Duorum vel plurium di-*
citur in respectu termini à quo: duos enim vel plures,
ut causa efficiens oblig: convenire & consensum
conferre oportet. *Consensus* dicitur numero singulari,
in respectu termini ad quem, quod in una aliquare
præstanta terminetur. Definiri potest duorum vel
plurium voluntas, ex diversis animi motibus ad unum
aliquod præstandum concurrens. Per duos vel plures,
quorum consensus & voluntas pro forma exigitur,
hic intelligitur, tum pars obligans, tum pars obligan-
da:

da: illa quidem, ut obligationem acquirat, hæc vero,
ut se constringi & obligari patiatur, quo respectu tunc
ad obligationem hanc ut causa efficiens concurrit
Ut autem consensus stabilem inter subjectum & ob-
jectum obligationem formet, requiritur, ut ultero ci-
troq; ex animo firmo & deliberato prodeat: qua-
propter deficiet in illis, quæ commendandi vel jactan-
di causa prolata sunt arg. l. 2. §. 3. ff de ædit. ed. ut ab
omni dolo, l. 7. § 7. 9 ff de pact. l. 9. C. d. t. metu, l. 116. ff
de R. l. arg. l. 13. C. de transact. errore, l. 116. ff. de R. l. l. 76
d. t. liber sit: quamobrem pretium, latroni pro capite pro-
missum, si non solvatur, nulla fraus est, Ciu. 3. de Offc. & pa-
ciscens, ne petatur, si in causa debiti erret, non sum-
movebitur exceptione pacti, si postea petat l. 51. pr.
ff. de pact. ut certus & expressus sit; verbis an signis
par facientibus non refert. l. 2. pr. ff. de pact. l. 29. ff. de
adopt. Ita comparatus, si ad aliquod placitum concur-
rat, non potest non existere obligatio, inter personas
quidem pacientes & consentientes formaliter: inter
subjectum vero & objectum materia sive: quoposterio-
ri sensu etiam hic Obligationē naturalē materialē ap-
pellavi. Sic constitutā Obligationē insequitur neces-
sitas præstandi placita in ea, ex ratione & æquitate
naturali, qua nihil tam congruum est humanæ fidei,
quam ea, quæ inter eos placuerunt, servare l. 1. pr. ff. de
pact. Cui, si non pareat subjectum obligatum, con-
tra ipsum jus civile retentionem & compensationem
permittit. Hæc ut melius cognoscantur, paucissima
de esse eti hujus obligat. natural. annexenda sunt.

XXXIII. Effectus Obligationis naturalis plenio-
ris, seu juris gentium, non solum in interiori conscienc-

D

tiæ,

tiæ, ut in obligatione minus plena, sed etiam exteriori
judicii foro se se exerit: Hic ut liquidior appareat, sci-
endum, quod ex hac obligatione pleniori in se & na-
tura sua considerata, jure & usu gentium competierit
actio, qua promisum firmiter peti potuit, quod ap-
paret ex l. i. pr. verb. servare. & l. 7. pr. verb. Juris gentium.
Wesemb. parat. ff. de pact. n. 9. & concluditur ex l. 5. §.
Imperator. ff. de solut. in qua debitū naturale opponitur
civili. Hinc argum: qua ratione se se debitum civile ad
jus civile, ita se debitū naturale ad jus naturale habet.
At debitum civile ita se habet, ut firmiter ex jure civi-
li peti potuerit. Ergo & debitum naturale ita se re-
spectu juris naturalis habebit, ut firmiter ex eo peti
quiverit. Et hoc confirmat etiam l. 48. ff. de R. I.
illud debitum naturale asserens, quod jure gentium
præstare compellimur. Ut ita minus dubii sit reli-
quum de naturali ratione retentionis & compensati-
onis: quandoquidem se se habeant respectu actio-
nis ut accessoria, quæ naturam principalis sui sequi
notissimum est. Cum verò jus civile, ex obligatio-
ne ista naturali lites admodum augeri, cerneret, utili-
tatem Reipublicæ, cuius interest lites diminui, respi-
ciens, omnem vim agendi ipsi ademit: & sic accesso-
rii actionis naturalis effectus simul ademptæ videban-
tur. Huic cum jus naturale, æquitatem obligationis
naturalis urgens, per Prætores se se interponeret, l. i.
pr. l. 7. §. 7. ff. de pact. eo deventum est, ut jus civile, ob-
justitiam & æquitatem naturalem, vi agendi irrita ma-
nente, alios naturalis obligationis effectus in vigore
suo ipsi remitteret eosq; confirmaret, & insuper a-
lios minus principales, concederet. Hinc ergo, ad-
sistente

sistente & confirmante jure civili, obligationi naturali remansit, RETENTIO, quā quod secundum eam solutum est, recte retinetur, & repetitio indebitiq; conductio impeditur l. 10. ff. de Obl. & Acl. l. 26. §. 12. de cond. indeb. COMPENSATIO, quā, quod ex ea debetur, non modo ex credito & quē naturali, sed etiam civili, licet detrahitur l. 6 ff. de compensat. EXCEPTIO, quæ contra agentem, si extra quam placitum est egerit, justè instituitur l. 7. §. 4 ff. de paci. Dispositione juris civilis præterea admittit CONSTITUTUM l. 1. §. 37 ff. de constit. pec. PIGNUS l. 5. pr. ff. de pign. & hypot. NOVATIONEM l. 1. §. f. ff. de nov. & del. FIDEISSIONEM l. 6. §. f. l. 7. ff. de fidei.

XXXIV. Sic explanata obligatione Naturali Pleniori s. Juris Gentium informi, de formata, quam ita dixi, quod jus civile eam planè approbaverit, ipsiq; vim ad agendum specialiorem, impertiverit, notandum, quod ad eam referri possint omnes obligationes civiles, ex contrahibus tam innominatis & nominatis, tam realibus & consensualibus, descendentes, quæ originem primam debent juri naturali; non tantum ob congrueniam cum recta ratione & naturali aequitate, sed etiam ob usum & exercitium gentium, quod pasim ex Authoribus Græcis, imò ipsa etiam Scriptura sacra elucet. Ut recte de his Grotius lib. 2. de jur. bell. c. 12.

n. 13.



n. 13. *Hec omnia Romanis quidem congruunt legibus, sed non ex illis primitus, sed ex aequitate naturali veniunt. Quare eadem quoque apud alias gentes reperire est. Sed cum haec à jure civili receptae, approbatæ & peculiariter formatæ atque ita ipsius propriæ factæ sint, hoc, ut ipsis alieno, loco pertractandæ non sunt, videri tam de illarum ratione naturali potest, Grotius d. l. c. 12.*

His finio discursum hunc de Obligatione naturali. Si quæ minùs accuratè de ea conscripta sunt, eorum veniam improvisa temporis angustia à bono Lectore impetrabit.

SOLI DEO GLORIA.




99 A 6917

ULB Halle
002 546 884


3



VH 17 Rktos ✓



Farbkarte #13



B.I.G.

XIII.

DISSERTATIO SOLENNIS
DE

OBLIGATIONE NATURALI,

QUAM

A. T. S. T. A. N.

Decernente Magnifico J Ctorum Ordine
In Academia Pomerana,

P RÆ S I D E

VIRO Nobilissimo, Amplissimo, Excellentissimo

Dn. JOANNE POMERESCHIO,
J. U. D. & P. Celeberrimo, Consistorii Regii Adses-
fore & Collegii Juridici h. t. Decano spectabili,
Fautore & Promotore suo nunquam non plurimum
colendo,

PRO LICENTIA

Summos in Utroque Jure Honores, privilegia
& immunitates obtinendi
Publicæ disquisitioni submittit

MATTHIAS Petersen/
Rostochiensis,

In Hyperoo Curia Oppidane 24. Septembr. An. 1661.



GRYPHISWALDIAE
Typis Mattbai Doischeri, Acad. Typographi.